

Ä glöcklechör Strich.

Stinn ännör nit guet met ön Gäld,
Hat Pach en Haus on of ön Fäld
On hot se Scholl nismie göpackt -
Noch wuer där guet Mo äusgöhackt.
Noch kiöme die arme Leut en Masse
On steichörte Häfä, Talör on Tasse
On fröte sech bi die klenne Kenn
Übör örn belleche Göwenn.
Dör Mechöl hat - bis manchmoel klappt -
Ön Scherm för fuchzech Pfennech göschnappt
On wes ön glöcklech sennör All.
"Fast göschankt! Där muß dör göfall."
Stoot daß se Fra sech nue bödankt
Fängt dos Ludör o on zankt:
"Due wist äscht noch ä allör Batz
On läßt dör jedön Dräg aufschwatz.
Ön liöste mücht ech dech göferm! -
Do senn doch Löchör en dänn Scherm!"
"Fra" söt hä, "böruhech dech doch.
"En ön Haus römm gätt hä **nach**."

So härmt sech manchör wächä ä Kloenechkoet o.

~~Mi muß närä för allös die richteche Vörwendung ho.~~

~~xxxxxxxxxx~~

Mi muß närä för allös die richteche Vörwendung ho.

++++++